

VANTO
DI DUI VILLANI
CIOE'
SANDRON E BURTLIN
*sopra l'astutie tenute da essi nel vender le castellate
quest'anno*

COSA BELLA DA RIDERE

SANDRON E BURTLIN

Sandron

Ah an, vè, vè, Burtlin, che questa botta
A ti l'avèm cargà a sti babiun,
Vè ch'aven uslà sti galavrun,
Chi z'astiman manch d'una recotta.

Burtlin

Sì, e sì l'aven cargà Sandron, mo potta
Dal mond, i z' tgnean per curnachiun,
E ades i chenin trars in zenuchiun
Si volin d'la nostr'uva, e stars sotta.

Sandron

Dì al ver, Burtlin, hat più Castellà?

Burtlin

Con, sa n'ho? sì cha n'ho, mo a n' vuoi dir,
Cha vuoi, fradel, ch' l'am sippa ben pagà.

Sandron

A n'ho ancha mi, mo a in vuoi zinquant' lir,
E la porta a ch' la vol.

Burtlin

Oh, t'gli arà
Dal cert. Tienla pur su, t'n'pua fallir.

Sandron

Oh, s'la s'pses tgnir
Achmod s'fa al furment in s'al granar,
Oh t' puà dir cha m'la farè pagar!

Burtlin

Mo mi, i vurè vder sgangar
D'la sed, e straslar, e cascar mort,
Tant è l'odij, Sandron fradel, cha i port.

Sandron

No, no, tegnema pur fort
E sald al pè in s'l'astla, nu villan,
Ades cha vden ch'aven la balla in man.

Burtlin

Mo possa pur dai can
Esser manzà, se mi i vuoi correr dria,
A la vuoi ben inienz dar ai purzia.

Sandron

Mo crit mi cha sia
Un barbazagn cascà zo d'un nuson?
N'sat sa i ho al diavol in tal zuccon.

T'sa ben cha son giutton,
Ch'l'è un pez t'm'acgnos, e sa ch'a suoi
Farn di quelli ch'puzzan, quand a vuoi.

Burtlin

A n' vuoi za t'm'tuoi
Al priessi a mi per cont d'agaffar,
Cha nassì al mond sol per sgraffignar,

Sandron

Ma a ni pren durar
Fradel, chi cazzan tat i pat in su,
Ch' s'a n'rubasn. mal biad nu.

Burtlin

No, no, cun dis qulù
S'lor vuoln i puorch, i cappun e i quattrin,
E nu anden a la fiera d'rampin.

Sandron

Lassa pur far, Burtlin,
Al patron qual cha l' fa, e quel cha l' po,
Ch'in tugn mod al pagaren dal so.

Burtlin

Cha n'robba, mo s'al so,
Fradel, st'm'ligas l' man de dria,
A m'inzignarè d'torla con i pia.

Sandron

Mo crit mi cha sia
Un'oca? N'sat quand al dorm al patron
Sa so cuoier al maiuol e l'albanon?

Burtlin

Mo dì pur ti, Sandron,
La canva e al lin, cha 'l rest srè una fola,
Ch'ugn ragazzetta vol la so mazzola.

E ma n'fermen la gola
O cha manzen d'l'mel, e d'l'per,
E dluvien tut quel cha psen aver.

E s'a t'ho a dir al ver,
A so, fradel mia car, cha fag ogn'art
Per ni dar mai al terz d'la so part.

Sandron

Mo i diest' pur al quart,
Mo slament la fava cha mangien
Quand l'è in ti camp, e al zes cha venden,

E quand a vendmen,
I più bia grap n'tremia da un là
Oh, guarda che d'quij i n'happia ma',

Oltra cha tgnen bcà
La più zalla, e l'aserba a la mten
In tal bgonz, e quella cha schen

E i ruoz ch'atachen
Al tassel, e l'sorbl, e l'nus
Ch'arpiatta in tl'a cassa i nuostr tus

Ch'in fichn in tut i bus,
Mo quest è nient, fradel, ch'aven cuntà,
Turnema un puoch a dir d'l'castellà,

Cha i n'è d'nu, cun t'sa,
Ch' quand i n'han tant uva ch'la possa impir
I fan ch'al poz dal rst apa a suplir.

Burtlin

Mo sta n't'partir,
N'havia a negar un tos mi l'altr di
Chii era in t'la castlà, pota d'mi.

Sandron

Mo ch'cosa fieval li?

Burtlin

Mo l'iera vgnu pr veder vindmiar
Ch'al so patron n's' dsea fidar

Ch'mi ni al fies star
Es i era fic li dentr, al giandarot,
E si dsea aver durmì tutta la not,

E mi viegna via d'bot
Con d'l'acqua in spalla per trariela in fond,
E dment cha la tro' zo, po far al mond,
A sent, es n'so dond
S'viegna, una vos ch'crida “oimia, oimia”,
Es veg st'ombra ch's' leva in pia,

E mi casch zo a l'indria,

Per la gran pora, es tria al bigonz in fas,
E poc sin mancò ch'an m'plas,

E inienz cha m' asguras
A stie un pzol, e pur a mi accustà
Cha l' pareva pruoprij un pullaster anegà,

Tant l'avevia lavà.
Es dig: "Ch'fiev li dentr, puvraz?"
E lu bravand respos: "A fieva un laz

Ch't'apicca, ladronaz,
T'm'ha tut bagnà la camisa, e al zibon,
Mo at promet chal vuoi dir al patron."

"Tas, tas", dighia, "Minchion,
Cha vlea lavar al fond, i era un po' brut,
E a trar zo l'acqua, a t'ho bagnà ti tut.

N'dar mo ti in ti rut,
Ch'an t'havea vezu t'fus li,
Ch'an son miga una bestia niancha mi".

Po, i fia dar un vesti,
La camisa, un capel e i mia bragun,
E la Tuonia i sugò fin a i schfun.

E perché a' sua patrun
Al n'dses nient, al fie menar
Appres al fuog, es a l' fia governar

Ben ben, po a in fia dunar
D'l'mel, d'l'nus e mil cagariol,
Po a i dis: "N'dir na gotta, al mie fiol,

Sben a i ho in t'lussol
Trat qula poca d'acqua, chat prumet
Chan t'vleva bagnar ti, puvret."

E con st'barzelet
Al fie taser, es n'fu nient,
E poi turnie a trar d'l'acqua novament,

Cha n' pseva altrament
Impirla, cha l' n'iera grasp assa',
S'la poz n'm'aves un poch aidà.

Sandron

Mo t'm'ha ben mo' acchiappà,
Cosa crit ch'apa fat ancora mi?

O fradel, a iho fat piez d'ti,

Cha i mniè una l'altr di
A un caldiran, al qual m'die i quatrin,
In s'la man, es n'vos miga sesin,

Ma tut bie zchin,
A la barba d'quij ch'gli han vindù
Manch d'nu, e ch'n'ihan anch apu,

E, a dirla fra nu du,
A ti cazzie d'l'acqua d'maniera
Chal n'in met za lu tant in la caldiera.

E ades mo sl s'dspiera,
Cha l' dis cha l' tinaz n'ha ma livà.

Burtlin
Mo a tal cred, fradel, s'ti ha lavà

L'grasp cun t'm'ha cuntà,
Achmod volal chal lieva, al puvraz,
E lu in die aver trat d'l'altra in tal tinaz.

Tant ch'l'arà un bel sulaz
Ch'ma' l'la farà svinar ai rastlin,
Ch'la sarà più d'acqua che d'vin.

A tal ch' sti cittadin
Han bel dal gof, a dirla qui fra nu,
Si credin cha siama turlulu,

Ch' si avessin ben più
Occh ch'n'ha al pavon in t'la cova,
I n'aran ma' da nu la part sova.

M'viegna al mal d'la lova
Cha pos dir al ver, es t'al zur,
Cha i ho fat star mill bot anch i fattur,

Prché la not al bur,
D'ment ch' lor durmivan am son livà
Es son andà in l'ara, es ho insaccà

Al gran, es l'ho purtà
In s'al granar, e quisi d'man in man
Cun t'sa cha saven far nu altr villan.

Ch'andem a Rastgnan
Tut l'an, e in Graffagnana vuluntera,

Po' a turnem pr la piana zo a Rubiera,

Mo una stmana intiera
A i sre' da dir; basta, ch' nu cuntadin
Nassem tut con l'man fat a rampin.

Sandron

Eh, n'dir quisi, Burtlin,
Cha i n'è anch d'quij ch'dan so dver,

Burtlin

Al po esr Sandron, t'digh ver,

Mo mi n'so vder,
Es a i n'è pur qualch'un, ch' mi n'al so,
Al ni è di nuostr, es al sustintarò.

Cha so mi quel cha fo,
E ti, e Mengh e in somma, i cuntadin,
Tut van con l'man vluntiera a rastlin.

Sandron

T'ha tort, Burtlin,
Ch' pr dies ch'sien trist infra d'nu,
A i n'è mill ch'ijn da ben, ancora più.

Es so ch' mi padr fu
Un om da ben, e mi, ch'm'appicas,
An prev ma' durmir un dì cha n' rubas.

Es pr sort al passas
Qual dì chan dies un qualch sgrafnot
A n' prev ma' durmir tutta qula not.

Am tro' al crud e al cot,
E a quel cha poss'aver, fradel mie car,
Mo destrament pr ni far cridar.

Orsù, at vuoi lassar
Archmandam a tut quant qui fiuua
E sforzat esr da bel al più ch't'pua.

IL FINE

Schema metrico: sonetto caudato

Testo trascritto da: **VANTO | DI DVI VILLANI | CIOE' | SANDRON, E BVRTLIN. | *Sopra l'astutie tenute da essi nel vendere le Castellate | quest'Anno. | COSA BELLA DA RIDERE, | Di Giulio Cesare Croce. | [xil.] | In Bologna, per Bartolomeo Cochi. Al Pozzo Rosso. | Con licenza de' Superiori. 1607.***